

Bilten broj 6, jul 2021.

Poštovani čitaoci,



U sezonu godišnjih odmora upoznajte se sa aktualnostima na našem Programu kroz šesto izdanje biltena **“Zajedničke ideje za bolju budućnost!”** U ljetnjem izdanju možete se informisati o aktivnostima tokom 2021. godine, kao i o ugovorenim projektima u okviru IPA Programa prekogranične saradnje Srbija-Bosna i Hercegovina



Naš tim je tokom 2021. godine pružao punu podršku korisnicima koji su krenuli sa implementacijom projekata krajem prošle i tokom ove godine, kao i projektima koji završavaju realizaciju ove godine. Uspješno smo obavili nastupne monitoring posjete projektima iz Drugog poziva, te i završne monitoringe projektima iz Prvog poziva.

Kontinuirano smo uključeni u proces programiranja PPS SRB-BIH za finansijsku perspektivu 2021-2027. Drugi nacrt Programskega dokumenta je predstavljen na Javnim konsultacijama održanim 19. aprila 2021. godine. Učesnici ovog događaja su dali svoj doprinos ovom važnom procesu kroz davanje prijedloga za unaprjeđenje ovog dokumenta.

U susret Trećem pozivu za pripremu prijedloga projekata održali smo dvije radionice na temu „Priprema prijedloga projekata u okviru Programa prekogranične saradnje Srbija-BiH 2014–2020“. Virtuelne radionice održane su 26. i 28. aprila 2021. godine sa ciljem da se potencijalni aplikanti upoznaju sa Programom prekogranične saradnje dvije zemlje, njegovim ciljevima, strukturama i prioritetima, ključnim aspektima projektnog ciklusa i razvijanja projekata ali i da dobiju praktične savjete o načinu apliciranja i pripremi matrice logičkog okvira.



Radionicama je prisustvovalo preko 40 predstavnika nacionalnih i lokalnih institucija, razvojnih agencija i nevladinih organizacija. Svi zainteresovani imali su priliku da dobiju odgovore na pitanja i učestvuju aktivno u diskusiji.

Postignuti rezultati u prvoj polovini godine čine nas sigurnim da ćemo i ubuduće ispunjavati postavljene ciljeve i uspješno sprovoditi ovaj Program!

Pratite naš Program i učestvujte u stvaranju zajedničkih ideja za bolju budućnost!

U okviru Drugog poziva za podnošenje prijedloga projekata 13 projekata dobilo je priliku da u narednom periodu ostvari planirane rezultate.

Opštine sa nula otpada – zajedno brojimo do nula

Došlo je vrijeme da se i u Srbiji i Bosni i Hercegovini razvije koncept "Nula otpada" kroz projekt "Opštine sa Nula otpada", kao i da se promoviše upravljanje resursima prije upravljanja otpadom, odnosno smanjenje nastanka otpada na njegovom izvoru. Ovaj pristup zahtijeva promjenu do sada stečenih navika i kulture življenja na prvo mjesto stavljući smanjenje korišćenja materijala i energije.

Projektne aktivnosti se sprovode u šest pilot opština: Visoko, Iljaš i Sarajevo Centar u BiH i Bajina Bašta, Vladimirci i Krupanj u Srbiji. Za navedene opštine u okviru projekta će se kreirati Akcioni planovi za nula otpada. Stručnjaci iz ove oblasti će također kreirati investiciono – tehničku dokumentaciju baziranu na konceptu nula otpada, te razviti interaktivnu GIS mapu divljih deponija u svakoj opštini. Ovakve mape će uveliko olakšati lociranje deponija javnim komunalnim preduzećima, a projekt će dodatno osigurati čišćenje po jedne deponije na području opština. Stanovništvu pilot opština bit će dodijeljeni setovi kanti za odvojeno prikupljanje otpada, kao i komposteri za zbrinjavanje organskog otpada. Realizacija ovih aktivnosti pripremit će tlo za razvoj cirkularne ekonomije i koncepta nula otpada u prekograničnom području, a pilot opštine istaći kao „pokretače“ održivog modela upravljanja otpadom u regionu.



"Značaj projekta Opštine sa nula otpada ogleda se u širem uticaju koji će proizaći iz implementacije projektnih aktivnosti, a koji će usmjeriti rješavanje problema u sistemu upravljanja otpadom ka konceptu nula otpada i u konačnici ka zajedničkoj tranziciji ka cirkularnoj ekonomiji." navodi Šejla Mahmutović, projekt menadžer.



Zajedničke ideje za bolju budućnost!

Premošćavanje

Kako bi prevazišli zajednički problem tj nedostatak kvalifikovanog i dobro obučenog osoblja u turističkoj privredi, Udruženje Užički centar za ljudska prava i demokratiju, Ekonomski škola Užice i Privredna komora Kantona Sarajevo pristupili su rješavanju problema kroz projekat "Premošćavanje". Pokušaće da doprinesu povećanju održive zapošljivosti i mobilnosti kroz osnaživanje mladih ljudi i osoba kojima je potrebna profesionalna prekvalifikacija kako bi brže došli do posla. Unaprjeđenje usluga u turizmu usklađenih sa tržišnim zahtjevima i podsticanje zapošljivosti mladih žena i žena koje su teško zapošljive osnovni je imperativ ovoj projekta.

Ostvarenje cilja predviđeno je kroz realizaciju četiri seta aktivnosti:

- Edukaciju i prenos znanja direktnim korisnicima projekta, kao i uspostavljanje dva centra za teorijsku obuku radnika u turizmu.
- Aktivnosti umrežavanje i planiranje razvoja usluge stalne prekvalifikacije i usavršavanja radnika u turizmu.
- Promociju zanimanja u turizmu u osnovnim školama prekogranične oblasti Zlatiborski okrug i Kantona Sarajevo i
- kroz sprovođenje aktivnosti u cilju podizanja vidljivosti projekta.

Nadamo se da će ovaj projekat doprinijeti povećanju turističkih potencijala, poboljšanu turističke slike regiona i na kraju da ćemo imati zadovoljne turiste uslugama u prekograničnom regionu.



Zajedničke ideje za bolju budućnost!

Uspostavljanje sistema održivog upravljanja kabastim otpadom na teritoriji gradova Užica i Tuzla - BWL

Uvođenje novog sistema u upravljanje kabastim otpadom predstavlja veliki izazov za javni sektor i lokalnu zajednicu u cijelosti, tako da su JKP Regionalna deponija Duboko iz Užice, JKP Komunalac i Centar za ekologiju i energiju iz Tuzla pred velikim zadatkom u uspostavljanju funkcionalnog i održivog sistema. Ovaj tim ima priliku da po treći put sarađuje na projektu prekogranične saradnje u cilju što efikasnijeg upravljanja otpadom u opštinama Užice i Tuzla.

"Promjene javnih politika nikada nisu luke, a posebno kada podrazumijevaju uvođenje reda tamo gdje ga nije bilo decenijama. Nov sistem, koji ćemo razviti kroz projekat, zahtijevaće promjenu navika i kod građana, ali i u samim komunalnim preduzećima. Biće potrebno izaći iz tzv. "zone komfora" i napustiti ustaljenu praksu da se kabasti otpad izbacuje iz domaćinstva kada god i gdje god se poželi. Umjesto takvog načina, sada će biti potrebno uskladiti se sa predefinisanim planom i programom, koji podrazumijeva već određenu lokaciju kontejnera i vrijeme predviđeno za odlaganje kabastog otpada. Sa druge strane i komunalna preduzeća će morati da se pridržavaju te iste dinamike, kako bi sistem bio funkcionalan i održiv", ovako o projektu govori iskusni projektni menadžer Miloš Radojević.



BWL projekat pravi iskorak u upravljanju kabastim otpadom i za Republiku Srbiju i za Bosnu i Hercegovinu, i kao takav može služiti kao uzorni model i ostalim lokalnim zajednicama u regionu. Projektni partneri vjeruju da će uspjeti u svojoj namjeri, te da će postignuća ovog projekta biti podstrek i za neke buduće.

Zajedničke ideje za bolju budućnost!



Jačanje kapaciteta institucija zaštite i spašavanja – CoPRIS

Institucije iz Sremske Mitrovice i Tuzle pokušaće da kroz projekat "CoPRIS" da povećaju otpornost na prirodne i ljudski izazvane katastrofe u prekograničnom području pomenutih gradova, kao i da doprinesu primjeni najboljih praksi za smanjenje rizika od prirodnih i drugih nesreća, sve sa ciljem zaštite ljudi, okoliša i imovine u prekograničnom području Sremske Mitrovice i Tuzle.

Vodilja u realizaciji projektnih aktivnosti je da se jačanjem kapaciteta zaštite i spašavanja na prekograničnom području, vezanim za spremnost i odgovor na prirodne i druge nesreće, prateći najbolje prakse Evropske unije u prevenciji katastrofa te odgovora svih relevantnih institucija uključenih u sistem zaštite i spašavanja, dugoročno ojačaju kapaciteti svih institucija, smanji ranjivost lokalne zajednice i poveća otpornost na prirodne i druge nesreće, odnosno nesreće izazvane čovjekovim djelovanjem u prekograničnom području Tuzle i Sremske Mitrovice.

Poboljšanje zapošljivosti ljudi iz osjetljivih grupa pružanjem novih znanja i vještina

Višedecenijsko iskustva Caritasa Šapca, ProRehe i SEC-a u oblastima socijalne zaštite, socijalnog preduzetništva i edukacije odraslih osnov je za nastanak projekta "Poboljšanje zapošljivosti ljudi iz osjetljivih grupa pružanjem novih znanja i vještina". Unaprjeđivanje zapošljivosti ljudi iz ranjivih grupa u prekograničnoj oblasti i povećanje mogućnosti za njihovo zapošljavanje biće potpomognuto i učešćem Opštine Bogatić kao partnerom, javnim organom, donosiocem odluka i spregom sa višim instancama javne vlasti.



Projektni menadžer, Miroslav Nikolić, ističe da se važnost projekta ogleda prevashodno u uspostavljanju bolje saradnje u prekograničnoj oblasti na polju socijalnog preduzetništva. Dodaje da je broj neformalnih obuka za osobe iz društveno ugroženih grupa nedovoljan kako u Srbiji, tako i u Bosni i Hercegovini, dok su realne potrebe za edukacijom ove kategorije stanovništva zaista velike. Ovaj projekt treba da promijeni postojeće stanje. Na kraju, ali svakako ne najmanje važna, tu je i činjenica da aktivnosti ovog projekta djeluju veoma afirmativno na same korisnike, a to su dugo nezaposlena i teško zapošljiva lica, osobe iz društveno ranjivih kategorija društva, među kojima i osobe sa invaliditetom. Pružanjem prilike da steknu znanja i vještine kojima će postati konkurentni na tržištu rada pruži im se i prilika za zapošljenje. Sa druge strane, u sektorima socijalne zaštite i socijalne poljoprivrede ima dosta prostora za zapošljavanje, ali nedostaje stručno osposobljenog kadra. Ovaj projekt spaja ta dva problema i nudi jedinstveno rješenje na dobrobit cijele zajednice.

Nadamo se da će kroz projekt nezaposlena lica dobiti nove praktične vještine iz oblasti socijalnog preduzetništva (socijalne zaštite i socijalne poljoprivrede) na osnovu potražnje tržišta rada i sličnosti sa obje strane granice.

Zajedničke ideje za bolju budućnost!

Poboljšana spremnost za vanredne situacije i koordinirani odgovor u prekograničnom području Srbije i Bosne i Hercegovine (CBC-IePCR)

Gorska služba spasavanja Srbije, Gorska služba spasavanja Stanica Sarajevo, Gorska služba spasavanja Brčko i Planinarski klub Tara nastojaće da u narednom periodu podignu kapacitete za pretrage i spašavanje u poplavama, kao i kapacitete za pružanje medicinske pomoći na nepristupačnim terenima u trenucima kada situacija to zahtijeva. Procjenjuje se da će se smanjiti vrijeme odziva spasilaca do mjesta gdje je potrebno izvršiti akciju. Takođe, spasiocima će biti omogućeno da na realnim terenima i u kontrolisanim uslovima stiću i usavršavaju stičena znanja. Benefiti projekata nisu samo usmjereni ka stanovništvu pogranične regije, već i brojnim turistima koji posjećuju regiju.



"Gorske službe spasavanja koje su osnovane na teritoriji bivše SFRJ, imaju dugogodišnju saradnju kroz Međunarodnu asocijaciju Gorskih službi spašavanja (ICAR-CISA). Ovaj projekat ima za cilj da ojača veze između članica asocijacije. Usklađivanjem znanja i razmjenom iskustava se sve pomenute službe razvijaju u istom smjeru. Izradom on-line trening platforme i IT aplikacije planiranih projektom svima će i u svakom trenutku biti dostupne ažurne informacije i protokoli koji se tiču naših domena spašavanja", istakao je Vladimir Kaćurić, Direktor izvršnog odbora Gorske službe spašavanja



Zajedničke ideje za bolju budućnost!

3E - Zajedno u obrazovanju za zapošljivost i zapošljavanje

Grad Šabac i Grad Visoko, pokušaće da projektom 3E doprinesu smanjenju nedostatka radne snage u metalnoj industriji na području oba grada. Partneri na projektu pružiće podršku zapošljavanju i povećanju mogućnosti zapošljavanja na području mačvanskog okruga i Zeničko-dobojskog kantona.

Namjera Grada Šapca je podjela svih znanja i iskustava stečenih u dosadašnjem radu lokalnog partnerstva za zapošljavanje i projekata vezanih za ideju razvoja trening centra u Šapcu koji svojom ponudom različitih akreditovanih treninga za unaprjeđenje znanja i vještina nezaposlenim licima odgovora na potrebe tržišta rada.

Grad Visoko će po primjeru Grada Šapca osnovati svoje partnerstvo za zapošljavanje i razviti svoj lokalni akcioni plan zapošljavanja koji će specifičnim mjerama doprinijeti smanjenju nezaposlenosti na području Grada Visoko.



“Grad Šabac njeguje dugu tradiciju dobrih odnosa sa BiH i zato se posebno nadam da će Projekat „3E“ Zajedno u obrazovanju za zapošljivost i zapošljavanje ostvariti svoje ciljeve kroz razmjenu iskustava, mišljenja i aktivnosti. Najvažniji među njima svakako jeste da nezaposlene osobe steknu nove praktične vještine, u realnim radnim okolnostima, a nakon toga, uz pomoć istih dođu do brzog zapošljenja. Smatram da će iskustva i rezultati iz mnogobrojnih projekata umnogome doprinijeti implementaciji i sprovođenju ovog, a njegovi ciljevi biti ostvareni u punom kapacitetu”, ističe Nemanja Pajić, projekt menadžer i predsjednik Skupštine grada Šapca.

Zajedničke ideje za bolju budućnost!

Zdravi i bezbjedni gastronomski proizvodi kao potencijal za novo zapošljavanje

Projekat je usmjeren na razvoj profesionalnih kompetencija mladih koji će tokom 18 mjeseci imati prilike da steknu nova gastronomска znanja i vještine u cilju povećanja konkurentnosti na tržištu rada. Kreiranje novog programa zdrave ishrane bez alergena kroz školsko preduzetništvo treba da omogući bolju perspektivu za zapošljavanje i profesionalno uključivanje mladih. Zdrava ishrana prepoznata je kao zajednički razvojni izazov u populaciji mladih, u oba pogranična područja, čime je jasno definisan primarni društveni problem kojim će se baviti projekat, istakao je Jovan Jovanović, projektni menadžer.



Kuvari, profesori, ugostitelji i prehrabeni proizvođači biće uključeni u projekat kroz različite programe obuka, radionice, savjetovanje, posjete, javne tribine i okrugle stolove. Proizvodni pogon za pripremu budućih gastronomskih proizvoda biće osposobljen kroz opremanje školskih kuhinja u Rumi i Zvorniku. Planirana je analiza okruženja u cilju tržišnog pozicioniranja novih proizvoda, uspostavljanje web portal kao aktivnog internet servisa koji će omogućiti bolju ekonomsku saradnju u pograničnom području. Projekat će doprinijeti stvaranju podsticajnog okruženja za mlade uz održivo rešavanje društvenih problema zapošljavanja i pravilnog razvoja mladih.

Unaprjeđenje kapaciteta javnih službi u oblasti upravljanja otpadom u prekograničnom region

Poboljšanje održivog planiranja zaštite životne sredine unaprjeđivanjem javne službe (administracija, sistem inspekcije i nadzora) u vezi sa čvrstim otpadom i upravljanjem otpadnim vodama osnovni je zadatak Pokrajinskog sekretarijata za urbanizam i zaštitu životne sredine i njegovih partnera: Ministarstva za prostorno planiranje, građevinarstvo i ekologiju Republike Srpske iz Banja Luke, Republičke uprave za inspekcijske poslove, Inspektorata Republike Srpske iz Banja Luke i Javne naučnoistraživačke ustanove instituta za zaštitu i ekologiju Republike Srpske iz Banja Luke.

„Izuzetno mi je dragو, jer verujem da će do oktobra 2022. godine benefiti u povećanju kapaciteta na mnogim nivoima biti izraženi, omogućen bolji rad jer sama tema otpada i upravljanja otpadom paralelno nosi sa sobom određeni nadzor koji je



ozbiljan posao, između ostalog i naše inspekcije, odjeljenja koje je ovdje u Sremskoj Mitrovici, koje će čini mi se imati najviše benefita i zadovoljstva da na ovom projektu učestvuje i daje svoj doprinos“, istakla je tokom otvarajuće konferencije Brankica Tabak, podsekretarka pokrajinskog sekretarijata za urbanizam i zaštitu životne sredine.



Unaprjeđenje upravljanja sistemom zaštite od požara u prekograničnom području BiH i Srbije

Projekat promoviše bolju saradnju između različitih aktera, inovativan je za oba partnera i uključuje razmjenu najboljih praksi u prekograničnom području.

Sproveđenjem ovog projekta doprinijeće se koordinaciji i saradnji u prekograničnom području Bosne i Hercegovine i Srbije u vezi sa sistemom upravljanja hitnim intervencijama u slučaju požara, ostvariće se bolje upravljanje vatrogasnim sistemima u opštinama Rogatica i Bajina Bašta, poboljšaće se kapaciteti za sprječavanje, reagovanje i spašavanje u vanrednim situacijama u požarima u opštinama Rogatica i Bajinoj Bašti (Nacionalnom parku Tara) putem poboljšanja ljudskih kapaciteta, nadogradnjom tehničkih kapaciteta, razmjenom najboljih praksi i umrežavanjem, a sve to će doprinijeti održivom razvoju prekograničnog područja između Bosne i Hercegovine i Srbije”, istakla je Zorana Bojovića, projektni menadžer.

Takođe, nosioci projekta ističu da će se tokom realizacije projekta osnažiti ljudski kapaciteti Opštine Rogatica, Nacionalnog parka Tara, Opštine Bajina Bašta i relevantnih šumskih gazdinstava, obućiće se zaposleni u vatrogasnim jedinicama, šumskim gazdinstvima, kao i predstavnici upravnika zaštićenih područja i predstavnici civilne zaštite. Doprinos se očekuje i u jačanju kapaciteta vatrogasne službe za prevenciju i spašavanje.

Podrška uspostavljanju i unaprjeđenju mehanizama za podršku samozapošljavanju kroz saradnju inovativnih lokalnih zajednica i novih preduzeća u prekograničnom području – SYSTEM

Općina Novo Sarajevo u partnerstvu sa Općinom Ilijaš i Krovnom organizacijom mladih Srbije (KOMS), kao i sa opštinama Sremska Mitrovica i Loznicu realizovaće projekat SYSTEM sa ciljem da povećaju mogućnosti zapošljavanja kroz zajedničke aktivnosti na razvoju novih mehanizama za podršku samozapošljavanju, kroz primjenu novih metodologija u prekograničnom području BiH i Srbije, kroz primjenu zajedničkih programa, obrazovanje, prenos znanja kao i aktivnosti na podizanju svijesti o značaju poduzetništva.

Ovaj projekat omogućava da sistemski kreiramo podršku samozapošljavanju i kontinuirano radimo na poboljšanju uslova i kreiranju povoljnog poslovnog okruženja – istaknula je Azra Prašović, projektni menadžer.

Načelnik Općine Novo Sarajevo dr. Hasan Tanović ističe da Općina Novo Sarajevo implementacijom ovog projekta želi poslati jasnu poruku otvorenog i poželjnog partnera za saradnju. Ovaj projekat je u skladu sa strateškim ciljevima razvoja Općine i rezultat je pojačanih aktivnosti i opredjeljenja lokalne administracije za kreiranjem i korišćenjem dostupnih finansijskih sredstava iz EU fondova, kao i uspostavom dugotrajne saradnje sa lokalnim zajednicama na regionalnom nivou.

Zajedničke ideje za bolju budućnost!

STEPin

Olimpijski komitet Bosne i Hercegovine zajedno sa Paraolimpijskim komitetom Bosne i Hercegovine, Fakultetom za sport i fizičko vaspitanje Univerziteta u Novom Sadu i Taekvondo klubom Dragon nastojaće da u period od 15 mjeseci doprinesu povećanju mogućnosti zapošljavanja osoba sa invaliditetom u sportskom sektoru.

Projektni partneri baviće se pitanjima loših perspektiva zapošljavanja mladih nudeći im perspektivu u novim profesionalnim uslugama u sektoru za sport sa invaliditetom. Sektor za sport sa invaliditetom predstavlja novi i prilično inovativan sektor tržista rada u prekograničnom regionu, koji do sada nije bio uključen u tradicionalne nastavne planove i programe, ali je podržan uz pomoć pojedinaca koji dolaze iz različitih sfera rada, kao što su treneri, sportski administratori, profesori sporta i fizičke aktivnosti, diplomci zdravlja i medicine. Pored pružanja pristupa novim uslugama i olakšavanja zapošljavanja, STEPin će doprinijeti socijalnoj inkluziji preko granice poboljšavajući šanse za osobe sa invaliditetom da se bave sportom.

Posebna pažnja tokom STEPin projekta biće uspostavljanje STEPin platforme koja će ponuditi mogućnosti internetskog obrazovanja posebno osmišljenog za mogućnosti zapošljavanja u sektoru za sport sa invaliditetom i praktične obrazovne sesije koje će se fokusirati na pružanje znanja i vještina onima koji bi željeli da postanu međunarodno sertifikovani klasifikatori. Pored toga, aktivnosti na zapošljavanju pružaju mogućnost odabranim kandidatima da iz prve ruke iskuse rad međunarodnih klasifikatora.



„Na osnovu prethodnog istraživanja i uspješno sprovedenog projekta Parainspired, evidentan je nedostatak mogućnosti zapošljavanja u sektoru za sport sa invaliditetom. Dalje, istraživanje je ukazalo na potrebu za specijalnim obrazovanjem i šanse za praktično učenje. Dakle, STEPin zajedno sa nama na ovo 15 mjeseci dugo putovanje gdje ćemo otkriti nove vještine i mogućnosti u sektoru za sport sa invaliditetom“, rekao je prof.dr. Izet Rađo, potpredsjednik Olimpijskog komiteta Bosne i Hercegovine.

Zajedničke ideje za bolju budućnost!

Preostala tri projekta sa Prvog poziva za predaju prijedloga projekata ušla su u završnu fazu realizacije u prvom dijelu 2021. godine

CBC Nature NET

Nacionalni Park Sutjeska u partnerstvu sa Šumarskim fakultetom i Srbijašumama iskoristio je posljednji kvartal implementacije za predstavljanje rezultata i realizaciju aktivnosti koje su fokusirane na podizanje svijesti o zaštiti životne sredine, posebno među najmlađom populacijom.

Pokrenuta je kampanja za podizanja svijesti o zaštiti životne sredine u okviru koje je organizovan čitav niz akcija u osnovnim i srednjim školama u projektnom prekograničnom području. U okviru ove kampanje organizovana je akcija „Čišćenje škole“ u 12 škola obuhvaćenih projektom. Ove akcije imale su za cilj edukaciju i podizanje svijesti o zaštiti životne sredine sa posebnim fokusom na



očuvanju prirodnog naslijeđa. Organizovana je druga regionalna konferencija i okrugli sto u Parku prirode na Zlatiboru u periodu 1-2.jula 2021. godine. Poseban osvrt je dat identifikovanju ključnih aktera iz turističkog sektora, te razmjeni inovativnih ideja za promociju i razvoj turističkih usluga u svih pet zaštićenih područja obuhvaćenih projektom. Kraj projekta obilježen je završnom konferencijom na Šumarskom fakultetu Univerziteta u Beogradu.

Zajedničke ideje za bolju budućnost!

Unaprjeđenje upravljanja čvrstim otpadom u urbanim i ruralnim područjima Bajine Bašte, Višegrada i Han Pijeska

Kako se projekat bliži kraju sve su jasniji pokazatelji direktnog uticaja koji je postignut sproveđenjem projektnih aktivnosti.

Opština Bajina Bašta je dobila značajno tehničko unaprjeđenje u sistemu upravljanja otpadom koje se pored prikupljanja i tretmana većih količina otpada, a posebno suve selektovane komponente ogleda i u tretmanu otpada životinjskog porijekla.

U samom gradu je povećan kvalitet usluge prikupljanja selektovanog otpada, a proširenje područja sa koga se prikuplja otpad na teritorije seoskih mjesnih zajednica omogućava dugoročno čistiju životnu sredinu i u ruralnom području.

Uvođenje sistema selekcije otpada u opština Višegrad i Han Pijesak se uspješno privodi kraju, a projektni partneri iz BiH, koriste iskustva kolega iz Bajine Bašte, kako bi što lakše prebrodili početne probleme i lakše došli do boljih rezultata.



Bajina Bašta će na osnovu jasnih ulaznih parametara koji se dobijaju iz uspostavljene pilot kompostane izraditi odgovarajući projekat za buduću kompostanu koja će i po kapacitetima i po tehnologiji odgovarati potrebama malog grada na desnoj obali Drine.



Bilten broj 6, jul 2021.

O nama

IPA Program prekogranične saradnje Srbija-Bosna i Hercegovina 2014-2020 realizuje se u okviru Instrumenta prepristupne pomoći (IPA II).



Obje države zajedničkim snagama sprovode Program. Ministarstvo za evropske integracije Republike Srbije i Direkcija za evropske integracije Bosne i Hercegovine zaduženi su za koordinaciju Programa i nazivamo ih Operativne strukture. Ministarstvo finansija Republike Srbije, Odeljenje za ugovaranje i finansiranje Programa iz sredstava Evropske unije (CFCU) odgovorno je za sve ugovore kao Ugovorno tijelo (CA). Program se sprovodi uz pomoć Zajedničkog tehničkog sekretarijata (JTS).

Ukupni budžet Programa za period 2014-2020 iznosi 14.000.000 EUR, dok je očekivano sufinansiranje korisnika 2.223.529,41 EUR.

Do sada je u okviru Programa, od njegovog osnivanja 2007. Godine ugovoreno 59 projekata, ukupne vrijednosti od 18,46 miliona eura.

Pratite naš program i kreirajte

Zajedničke ideje za bolju budućnost!

www.srb-bih.org

www.euzatebe.rs/en/projects/cross-border-cooperation-programme-serbia-and-bosnia-and-herzegovina-2014-2020

www.facebook.com/ipa.cbc.srbbih

**Ovaj bilten je proizведен uz finansijsku podršku Evropske unije
Sadržaj biltena je isključiva odgovornost operativnih struktura
uključenih u implementaciju IPA Programa prekogranične saradnje
Srbija-Bosna i Hercegovina 2014-2020, te ni na koji način ne odražava
stavove Evropske unije.**